



Universitätsbibliothek Paderborn

**Novæ Observationes Et Additiones Ad A. R. P. D.
Bartholomæi Gavanti Congreg. Cleric. Regul. S. Pauli ac
Sac. Rit. Congregat. Consultoris Commentaria In Rubricas
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad
præsens emanatis

Complectens I. & II. Partem Commentariorum Gavanti in Rubricas Missalis
- Cum Præfatione seu Præmonitione necessaria Bibliopolæ ad Lectorem

Merati, Gaetano Maria

Augustæ Vindelicorum, 1740

VD18 10783695-002

De Feria, & Vigilia. III.

urn:nbn:de:hbz:466:1-40113

III. Rubr. pag. 3. *De Simplici dicitur Missa &c.) Quarti part. 1. tit. 14. dub. 3.* instituit questionem: utrum possit dici Missa integra de Sancto Simplicio, quando juxta Rubricas Missalis fieri debet de eo sola Commemoratio, ratione v. g. occurrentis Festi Semiduplicis, seu alicuius Feriae majoris Adventus, vel Quadragesime &c. vel diei infra aliquam Octavam non privilegiatam &c. & resolvit, in dicto casu Sacerdotem vel ex sua particulari devotione, vel ex alia causa, si voluerit, utique de Sancto illo Simplici posse recitare Missam de suo Communi; si non habeat propriam sub Ritu Semiduplici cum Commemoratione Officii currentis, de quo legit Horas Canonicas. Ita eandem sententiam tenet Gerlacus Vinitor *part. 1. tit. 2. in Annotationibus.* Juxta igitur hanc senten-

tiam potest dici Missa integra de Sancto Thecla in die Sancti Lini vigesima tertia Septembris; & ita pariter Missa SS. Tryphonis &c. Martyrum in die Sancti Andreae & vellini decima Novembribus cum debitissimis Commemorationibus. In tali autem Missa Feli Simplicis concedit Quarti posse dici Hymnum Angelicum *Gloria in excelsis &c.* qui est partim Festiva, partim Votiva, eamque appellari posse Semifestivam, afferit idea Auctor: quia neque omnino concordat cum Officio, neque omnino discordat; cum finis in Officio ejusdem Sancti Simplicis Commemoratio. Potest etiam dici talis Missa Semifestiva: quia celebratur in die Natali eiusdem Sancti Simplicis, juxta ea, quae dimis in nostris Observationibus ad Tit. precedentem sub n. II.

Novæ Observations, & Additiones ad Gayanti

Tit. III. De Feria & Vigilia.

I. Rubr. n. 1. pag. 4. *Missa de Feria dicitur &c.)* Dies hebdomadæ, Feriarum nomine distinguuntur ex antiquissimo usu Ecclesiæ, quem S. Silvester Papa suo Decreto firmavit, ut notatur in Lectionibus Breviarii in Festo ejusdem Sancti; unde patet Feriarum proprie dicari à feriendo. Durandus in *Rationali lib. 7. cap. 1. n. 12.* assignat rationem, propter quam etiam Dominica, prima Feria dici potest: quia dies immediate sequens, Feria secunda vocatur; estque nomen Sacrum, non ex Ritu Gentium, sed ex Sacra Scriptura desumptum. Durandus *suspiciens.* & ex eo Quarti part. 1. tit. 4. de Feria, & Vigilia. De Feriarum nomine, & etymologia eruditè discurrevit juxta morem suum Sapientissimus Joseph Vicecomes de Missa Rituibus lib. 3. cap. 10. ubi non approbat sententiam Rabbanii, afferentis, Silvestrum Papam Auctorem suis Feriarum nomina diebus imponendi. Cætera apud eundem clarissimum Auctorem videri possunt.

II. Gayant. pag. 4. col. 1. lit. i *Non prescribuntur Oœdava, & de Vigilia.)* Quavis in Feriis Majoribus, scilicet Quadragesimæ, in Feriis quatuor Temporum, & Vigiliarum, dicuntur duas Missas, nempe Conventuales in Ecclesiis Cathedralibus, & Collegiatis, cadente Felto, &c. ut in Rubrica & cadente die Octava: tamen hoc non verificatur in die infra Octavam, quia tunc juxta Gayantum hic, & Quarti part. 1. tit. 1. & n. 2. Turrinum part. 2. sedl. 3. cap. 1 & alios communiter, unica tantum dicitur Missa Conventualis, nempe de Vigilia.

Nec urget contra hanc praxim, & Doctrinam, quod eadem Missa, quæ celebratur infra Octavam, celebretur etiam die Oœdava: ac proinde, sicut cadente Feria hujusmodi in die Oœdava, duas dicuntur Missas; sic etiam cadente in die infra Octavam, dictebeant duas Missas, non minus ac die Oœdava. Non urget, inquam, quia, ut paulo infra, magnum discrimen interest in hoc

causa

casu, inter diem infra Octavam, & inter diem Octavam. Deinde etiam si eadem sit Missa materialiter, id est, quoad Orationem, Evangelium, & alias sui partes, non est tamen eadem formaliter, & quoad Ritum: dies enim infra Octavam est sub Ritu Semiduplici; dies vero Octavae sub Duplici. Deinde quatenus haec ratio non sufficeret, totam profecto dirimit controversiam, ob identitatem rationis, Rubrica peculiaris superior in Vigilia Assumptionis, & in Vigilia SS. Petri, & Pauli cadente in Sabbato, quan-

do dies S. Leonis cadit in Dominica; quibus in casibus non prescribuntur duas Conventuales: quapropter idem dicendum de omnibus Vigiliis cadentibus infra Octavas.

III. Rubr. n. 1. pag. 4. & Gavant. ib. col. 2. lit. k (*Cantantur duas Missae, &c.*) De hujusmodi Missis Conventualibus agit fuisus Gavantus part. 3. de Defectibus tit. 11. n. 7. quo loco etiam nos fuisus, & commodiis agemus, adducendo ibi varia Decreta spectantia, necnon Doctrinas pertinentes ad Missas Conventuales.

R U B R I C A

In recentiori Editione auctior inventa, ad pag. 4.

- 2 In Vigiliis autem, & Feriis quatuor Temporum, vel Feria secunda Rogationum, que veniunt infra Octavam, 1 Missa dicitur de Vigilia, vel Feriis supradictis, cum Commemoratione Octavae: preterquam infra Octavam Corporis Christi, in qua in Ecclesiis Cathedralibus, & Collegiatis cantantur duas Missae; una de Octava post Tertiam, alia de Vigilia p[ro]p[ter] Nonam: in Missis autem Privatis dicitur Missa de Octava cum Commemoratione Vigiliae. Si autem in die Vigiliae, vel predictis Feriis fiat Officium de aliquo Feste, tunc dicitur Missa de Festa cum Commemoratione Octavae, & Vigiliae, vel Feriarum predictarum. Quod si Vigilia occurrat in die alicujus Festi ex majoribus prime Clas[is], in Missa non fit Commemoratio de ea, sicut nec in Officio.

G A V A N T U S

In eadem Editione recentiore in aliquibus mutatus, ad pag. 4. post Rubr. n. 2.

(1 Missa dicitur de Vigilia.) In his Casibus discordat Missa ab Officio; quia his Missis propriis convenit, ut cedat ea Missa, que infra Octavam sapienter repetitur: Populus eiusam, quia ad Missam, non ad Officium convenire solet, cum Missa de his Feriis, ad iactum moveatur, & animatur.

Dubitabatur de Vigilia S. Johannis Baptiste infra Octavam Corporis Christi, que excludit Semiduplicia Festa: sed hoc non obstabat, quia simiduplex transfertur cum Officio, & Missa; Vigilia vero non transfertur, & Missam tantum habens non tollit Officium de Octave, neque Missam de eadem, que sapienter infra Octavam dici solet.

Communior erat etiam haec sententia Anno 1628. ut patet ex Calendariis diversis ejusdem Anni, quo occurrerant Vigilia S. Johannis, & SS. Apostolorum infra Octavam Corporis Christi, quod nimis Missa de Vigilia dicenda esset cum Commemoratione Octava juxta Rubricam antiquam, contra quam neque urgebant ea, que afferebantur: non auctoritas P. Ruiz, seu Alcozer, Missam de Octava cum Commemoratione Vigiliae, gratis, & sine majorum Decreto præscribentium: non aliorum congruentia; quia aiebant deperdi Indulgentias concessas Octave

Cor-

Corporis Christi, omissa de Sacramento Missa: an deperduntur in Feste Duplice infra eam Octavam occurrente? Neque quia concordare debebat cum Officio Missarum quod non est rerum, cum infra eandem Octavam possint dici Missa Votiva, & de Requiem, quocunque die non est Duplex. Neque quia Missa de Sacramento magis excitaret ad pietatem Populus, quam Missa de Vigilia, qua certe ex Alcuino in Paraclete, exigit ad imitandas passiones Martyrum.

Hac ex vi Rubri arum priorum: sed nova Rubrica opus fuit, ut legitimè Missa diu i posse de Octave cum Commemoratione Vigilia: que nuper, ut supra, decreta fuit in recognitione Missalis sub Urbano VIII, ubi dictum, ne infra Octavam Corporis Christi diceretur Missa Votiva, et de Requiem: item ne fueret infra ipsam de Duplice verè translato.

Quares ex prædictis: cur in Cathedralibus, & Collégia non dicuntur duas Missas, una à die infra Octavam, alia de Vigilia; sicut infra Octavam omnium Sanctorum, una dicitur de die infra Octavam, alia pro Defunctis in Commemoratione omnium Defunditorum? at ecce disparitas: potest enim in Missa Vigilia fieri Commemoratio de die infra Octavam, de qua non potest fieri in Missa Defunditorum.

IV. Gavant, suprà lit. l. in his casibus discordat Missa ab Officio, &c.) Optimè hic docet Gavantus, quod occurrente Vigilia, vel Feria aliqua majori infra aliquam Octavam, Missa non solum Conventuale, sed etiam Privata, debent dici de tali Vigilia cum Commemoratione Octavæ. De Octava vero in tali casu, nulla debet dici Missa, tanquam propria illius diei, sed solum potest dici in gradu Missa Votiva: unde verisimiliter est, quod docet idem Gavantus, quod tali die Missa non est conformis Officio; Officium enim est de Octava, & Missa est de Vigilia, vel de illa Feria majori: sic v.g. die 14. Augusti, in qua occurrit dies quarta infra Octavam S. Laurentii, & Vigilia Assumptionis B. M. V. recitatur quidem Officium de Octava S. Laurentii; Missa vero non debet dici de tali Octava, sed de Vigilia Assumptionis, cum Commemoratione Octava: ita ut non solum Missa Conventualis, sed etiam Missa Privata talis diei, debent esse de Vigilia Assumptionis cum Commemoratione Octava S. Laurentii. Cur autem discordet in hoc casu Missa ab Officio, ratio est, quia infra Octavam sapienter repetitur eadem Missa illius Festi, de quo sit Octava: & idcirco dispositum fuit, ut cedat Missa de Octava Missa propria de Vi-

gilia, vel de alia Feria majori, que in illa die dici debet tanquam propria illius diei. Deinde, ut Populus, qui frequentius ad Missam convenire solet, quam ad Officium, moneatur obligationis jejunii per Missam de Vigilia. Et eadem est ratio, de Feriis quatuor Temporum, de Feria II. Rogationum, infra aliquam Octavam occurrentibus. Dicitur prolixè hanc questionem Lucas Jolaphus Cerracchius tom. I. suorum Dubiorum super Rubriæ Missalis, & Breviarum dub. 7. & validè propugnat hanc comminem, & certissimam sententiam: verum non subsistit id quod assertit pag. mihi 170. de Decreto edito à S. R. C. sub die 24. Januarii 1682. in quo supponit concedi Monachis Cassinensis, ut tempore Quadragesima, celebrantes ex privilegio Festum S. Benedicti cum Octava, possint diebus occurrentibus infra dictam Octavam dicere solam Missam Conventualem de Feria; cæteras vero Missas Privatas debent celebrare de die Octava cum Gloria, & Credo: nam in Directorio Divini Officii persolvendi juxta Ritum Monasticum ab omnibus sub Regula S. Benedicti militantibus, & præcipue Congregatione Cassinensi specialiter accommodato, & Petavii edito, Anno Domini 1733. die 25 Martii, qua est dies infra Octavam predi-

At Patriarchæ, præscribitur, quod Missa Conventualis, necnon Privata (non exclusis Missis Votivis, & de Requiem) dicatur de Feria currenti. En igitur quod ipsime PP. Callinenes fatentur non habere hoc privilegium celebrandi diebus infra dictam Octavam, quando occurrit in Quadragesima, Missas Privatas de Octava cum Gloria, & Credo: sed solum possunt dicere memoratas Missas Privatas in tali casu, & talibus diebus, in gradu Missæ Votivæ, nimurum sine Gloria, & Credo: & cum Commemoratione Feriae, & cum Evangelio Sancti Johannis in fine. Ex Decreto igitur dici 24. Januarii 1682. & dato in nostro Indice sub num. 460. in quo præscribitur, quod dicti privilegiati, debent dicere Missam Conventualem de Feria; solum permittitur exinde, quod possint dicere Missas Privatas de Sancto, cuius celebrant Octavam, Ritu votivo; nunquam vero præscribitur in tali Decreto, quod dicant solum Missam Conventualem de Feria, & alias Privatas de S. Benedicto; sed innuitur, quod reliqua Missæ Privatae, vel debeat dici de Feria, vel possint dici de Requiem, vel Votivæ de aliquo Sancto. Hoc loco adnotandum est, quod, juxta sententiam Caroli Guyeti lib. 4. sua Heortologia cap. 5. quest. 5. in fine, in dicta Missa Vigilia occurrentis infra aliquam Octavam, debet dici Credo etiam extra Dominicam, si talis Octava illud habeat: non enim talis Vigilia est simplex, seu ferialis, ut sunt aliae Vigiliae communes; sed Festiva, & Dominicalis, adeoque capax Symboli aliunde debiti. Hæc Guyetus, cuius sententia est Gavanto contraria, ut videndum est part. 1. Titulo XI. de Symbolo lit. n. in fine: & Gavanti sententiam etiam non amplectimur in nostris Observationibus ejusd. tit. num. XIV.

V. Gavant. ead. lit. I. Communior erat hac sententia, &c.) Olim ante recognitionem Missali Romani, auctoritate Urbani VIII. factam, non levis erat controversia inter Ru-

Gavant. Rubr. Miss.

bricarum Interpretes: utrum occurrente Vigilia, ex. gr. S. Johannis Baptiste infra Octavam Corporis Christi, dici deberet Missam de Vigilia cum Commemoratione Octavæ, vel e contra Missa de Octava cum Commemoratione Vigiliæ. Gavantus hoc loco in prima editione sui præclarissimi operis, assertebat, dicendam esse Missam de Vigilia cum Commemoratione Octavæ, inhærendo regulæ in superiori Rubrica traditæ. Castaldus vero in sua Praxi Ceremoniarum lib. 2. sect. 6. num. 9. edita ante Gavanti Thesaurum, sustinebat, dicendas esse Missas Privatas de Octava cum Commemoratione Vigiliæ, & in Collegiatis cantari debere duas Missas, unam de Octava, & alteram de Vigilia, &c. & sustinebat hanc sententiam ob privilegia particularia talis Octavæ Corporis Christi. Tandem sublata fuit omnis controverbia, & lata sententia in favorem hujus secundæ opinionis, ut patet ex superiori Rubrica, in qua addita fuit hæc exceptio:

Præterquam infra Octavam Corporis Christi.

Ex hoc usque dictis sequitur, claram esse rationem, cur in predictis Vigiliis occurrentibus infra aliquam Octavam, unica tantum debeat dici Missa Conventualis, nimurum de Vigilia, cum Commemoratione Octavæ in Ecclesiis Cathedralibus, & Collegiatis: si enim non potest dici Missa Privata de illo die infra Octavam, multò minus de eadem Octava poterit Missa Conventualis celebrari. Sed è contrà, si in diem infra Octavam, in qua simul cadit Vigilia, incidat Festum novem Lectionum, eo casu duæ Missæ Conventuales cantandæ sunt in Ecclesiis Cathedralibus; & Collegiatis; prima de Festo cum Commemoratione Octavæ, sed sine Commemoratione Vigiliæ; altera vero de Vigilia cum aliis duabus Orationibus juxta Rubricarum dispositiones. Huc optimè facit, quod in Calendariis Urbis. & in novo Missali edito Romæ, Anno 1714.

L

sc

sic habetur die 14. Decembris -- Si hodie occurat Feria IV. quatuor Temporum, Missa dicuntur de Feria cum Commemoratione Octavae, & tertia Oratio de Spiritu Santo, cum Praefatione de Octava. Die vero 15. Decembris -- Si hodie occurat Feria IV. quatuor Temporum in Ecclesiis Cathedralibus, & Collegiatis, dicuntur duo Admissi una de Octava, altera de Feria cum Commemorationibus assignatis, & in hac Missa dicitur Praefatio communis. Enim igitur semper magis confirmatum iri, quod occurrente Vigilia, vel Feria majori infra aliquam Octavam, licet Officium recitetur de illa die infra Octavam, Missae tamen dicuntur de Feria, & nulla dicitur de Octava. E contraria vero in die Octava ejusdem Festi, Missae quidem dicuntur de Octava, & unica tantum de Vigilia: & idcirco in Cathedralibus, & Collegiatis in tali casu, cantantur duae Missae Conventuales in die Octava; sed in die infra Octavam, unica dicitur Missa Conventualis de Vigilia, vel Feria illa majori cum Commemoratione Octava.

Gerlacus Vinitor in suis adnotacionibus super hanc Rubricam part. I tit. 3. §. 3. adnotat, in Missa Vigiliarum, & Feriarum ma-

jorum infra Octavam, nunquam dici Glori in excelsis, neque Credo, & semper dici Praefationem communem, qua cum suo canu dicitur in diebus ferialibus, praterquam in Missis Litaniarum majorum, qua Paschalem Praefationem habent. Verum cum in supra dicta prima Rubrica Missalis editi Romae Anno 1714. dispositum fuerit, quod die 14 Decembris, qua est infra Octavam Concepcionis Immaculatae Virginis Mariae, non occurat Feria IV. Temporum, Missa dici debet de Feria cum Commemoratione non solum, sed etiam cum Praefatione de Octava Concepcionis; infertur, non subsister doctrinam Vinitoris quoad Praefationem communem dicendam semper in talibus Missis Vigiliarum, & Feriarum majorum, qua infra aliquam Octavam dici debent, in quibus sit Commemoratio talis Octavae: contraria vero subsistit talis Doctrina in Missis Conventualibus Vigiliarum, & Feriarum majorum (juxta dispositionem secunda Rubrica supra exposita) quia in illis Missis, non non sit Commemoratio Octavae, ita que dicitur Praefatio ejusdem, si habeat propriam.

GAVANTUS

In Editione recentiori auctior inventus, ad pag. 5. post Rubr. n. 4.

(in Missa Vigiliarum.) Dicitur eadem ratione, quam supra diximus de Vigilia infra Octavam, quia propria Missa cedere debet minus propria die.

Ocurrit aliubi Festum novem Lectionum in Vigilia intra Adventum, & quesitum est: quod ordine in Missa de Festo dicantur Orationes de Adventu, & Vigilia, & an Evangelium Vigilia legitur in fine? Respondi Orationem de Adventu dici ante Orationem Vigilia: quia hunc de Missa Vigilia aliud sit ordo, in Missa tamen alia dignior est Oratio, qua dicitur in Officio: similem ferè casum habes in Festo Sancti Leonis 28. Junii, in cuius Missa Oratio de Vigilia posterior est, licet in Sabbato Missa Vigilia praeservatur Missa de Octavo S. Johannis. Evangelium vero non legitur in fine: quia nec in Officio legitur, neque in Missa quatuor Temporum legitur de Vigilia, qua occurrit in ea.

VI. Gavant. supra lit. in Evangelium vero non legitur in fine.) Si occurrat alicubi Festum novem Lectionum in Vigilia intra Ad-

ventum, v. g. si Festum Sancti Saturnini alicubi celebretur sub Ritu Duplice, vel Semiduplice, & occurrat intra Adventum; cum eadem

eadem die occurrat etiam Vigilia Sancti Andreæ, quæritur, an Evangelium dictæ Vigiliae legi debet in fine Missæ; & huic quæsito respondet Gavantus supra negativerè, dicendo: *Evang. l. um verò non legitur in fine, adducendo hanc rationem: quia nec in Officio, neque in Missâ quatuor Temporum legitur de Vigilia, quæ occurrit in ea.* Ceremoniale Monasticum lib. 4 cap. 11. n. 10, consentit Gavanto, assérendo: *quod in dicto casu in Missâ de Sancto, secunda Oratio erit de Adventu, tertia de Vigilia, quamvis alioquin Missâ Vigiliae preferatur Missâ Adventus; in fine verò dicetur Evangelium Sancti Johannis, aique idem sit in Vigilia Sancti Thomæ, nisi in quatuor Temporibus occurrat; tunc enim dicitur Missâ de quatuor Temporibus cum Commemoratione Vigiliae, sed sine Evangelio ejusdem in fine.* Rationem suæ sententiac affert Gavantus etiam tit. 13. lit. 1, ubi assérit, in Festis Quadragesimæ, & quatuor Temporum, ideo in fine Missæ non debere dici Evangelium Vigiliae, si quæ occurrat in dictis Feriis, quia de ealecta non est Homilia in Officio. Guyetus tamen lib. 4. cap. 6. quest. 4. sustinet, in casu supra exposito Festi occurrentis in aliqua Vigilia intra Adventum, &c. legendum esse Evangelium Vigiliae in fine Missæ, hoc argumento ductus, nimirum, quia quamvis ratio à Gavanto allata, quoad Ferias Quadragesimæ, & quatuor Temporum, valere possit; haud tamen idem est in Casu proposito Festi occurrentis: nam ideo in Feste prædicto non legitur Homilia Vigiliae, quia de ea non fit Commemoratio ad Laudes; quæ si fieret, haud dubiè legeretur Homilia ad Matutinum, cùm nihil impedit: unde per accidens est, quod non legitur. Ratio verò, cur occurrente Vigilia in Feris Quadragesimæ, & quatuor Temporum, non recitetur Evangelium in fine Missæ, non est ea, quam tradit Gavantus non dissentiente Guyeto, nimirum, quia omisum fuit ad Matutinum; sed quia tunc

duæ Missæ Conventuales dici non præscribuntur, in quo tantam chœlu legitur Evangelium Vigiliae in fine Missâ Privatae. In nostra autem hypothesi non impedit tempus Adventus, qui dicantur duæ Missæ in Ecclesiis Cathedralibus, & Collegiis una de Festo, alia de Vigilia; ut præscribit hujus tituli Rubrica n. 1. pag. 4. quæ sic habet: *In Feriis tamen Quadragesimæ, quatuor Temporum, Rogationum, & Vigiliarum, etiam si Duplex, vel Semiduplex Festum occurrat can-tantur duæ Missæ, una de Feste post Tertiam, alia de Feria post Nonam.* Idem etiam præscribitur in Rubrica tit. 7. n. 2. pag. 13. ex quibus omnibus infertur, quod etiam in Missis Privatis dici debet Evangelium Vigiliae in fine, par siquidem est utriusque ratio. Huic Guyeti Sententia consonat etiam praxis Sacrosanctæ Basilicæ Lateranensis, quæ hac die 29. Novembris præsentis Anni 1734. quo hæc scribo, celebrat Festum translatum Sancti Gregorii Tertiæ PP. sub Ritu Duplici, & post Nonam, Missam Solemnum Conventualem celebrat de Vigilia, & in Privatis Missis legit Evangelium Vigiliae Sancti Andreæ, ut in ejusdem Basilicæ Calendario hac eadem die legere mihi occurrit, quod etiam factum fuerat A. 1729. in Vigilia ejusdem S. Andreæ occurrente pariter infra Adyentum, & cum Feste translato S. Nicolai PP. I. sub Ritu Duplici. In hoc solium casu Evangelium prædicæ Vigiliae omitti debet, quando Evangelium Feriae, vel Vigilia idem omnino estet cum Evangelio Festi occurrentis, ut contingeret in Feste Expectationis B. Mariæ Virginis, quando incidet in Feriam quartam quatuor Temporum: tunc enim Rubrica ejusdem Missæ dicit præscribit, omittendum fore Evangelium Feriae in fine Missæ. Prædictæ Guyeti, & nostra sententia faveat etiam Billus lit. E. n. 157. §. 6. ubi ait, cum Guyeto, quod si in dicta Vigilia occurreret Festum aliquod Duplex, vel Semiduplex, in fine Missæ de

tali Festo non debet legi Evangelium Feriae, quae non habet proprium, sed Evangelium Vigiliae; quamvis hoc Evangelium lectum non fuerit in Officio, in quo ideo lectum non fuit, quia neque ad Laudes facta est Commemoratio Vigiliae: è contrà verò, sicut in Missa fieri debet post Feriam talis Commemoratio, ita in fine convenienter legitur ejusdem Vigilia Evangelium.

VII. Pro Coronide Observationum, & Additionum spectantium ad hunc Titulum de Feria, & Vigilia, luet colligere Decreta, quae à S. R. C. emanarunt, pertinentia ad Vigilias Festorum in communis, & in particulari.

Vigilia S. Matthiae Apostoli occurrens in Feria 3. post Dominicam Quinquagesimæ non potest anticipari cum jejunio: ita S. R. C. in Decreto dato in nostro Indice sub num.

508.

Quadragesimæ, Adventus, & Vigiliarum temporibus, necnon in diebus Rogationum, occurrente aliquo Festo Duplici, vel Semiduplici, non licet post Primam celebrare Missam prædictarum Feriarum, sed servanda sunt Rubricæ: ita eadem S. R. C. in Decreto dato à nobis sub n. 548.

Occurrente Vigilia S. Johannis Baptista in Festo Corporis Christi, licet jejunium anticipetur die 22. Junii; tamen in Missa, & Officio nihil sit de eadem Vigilia: ita S. R. C. in Decreto sub n. 602.

Vide etiam aliud Decretum sub n. 281.

In Vigilia Epiphaniae Missæ Votivæ, & Defunctorum celebrari non possunt: ita in Decreto dato sub n. 635.

Vide etiam Decretum sub n. 514. Et aliud sub n. 607.

Novæ Observationes, & Additiones ad Gavanti

Tit. IV. De Missis Votivis S. Mariæ & aliis.

I. Rubr. n. 2. pag. 6. In Adventu autem, &c.) In Sabbatis Adventus non impeditis Officio, aut Festo novem Lectionum, quamvis non recitetur Officium de Sancta Maria in Sabbatho, sed dicatur Officium de illa Feria; Missa tamen Principalis dicitur de Beataissima V. M. (nempe Votiva illa, quæ est in Missali de Sancta Maria ab Adventu, usque ad Nativitatem Domini, quæ incipit: *Rorate*) unde etiam in hoc casu Missa discordat ab Officio, diciturque talis Missa in paramentis albis, cum Commemoratione Feriae de Adventu, &c. nisi tamen fuerint quatuor Tempora, vel Vigilia v. g. S. Andreæ, vel S. Thoma Apostoli, & multo magis Vigilia Nativitatis Domini: his enim in ejusmodi Sabbathum incidentibus, dicitur Missa Principalis non de S. Maria, sed de Sabbatho quatuor Temporum, vel de Vigilia occurrente.

Porro in Missa hujusmodi S. Mariæ in Sabbatho tempore Adventus, dicitur *Glory* sine *Credo*, Oratio secunda de Feria Adventus, tercua de Sancto Spiritu; aut de Festo Simplici, si tale occurrat, Præfatio consueta de S. Maria, nempe *Et te in Veneratione*, &c. In fine *Ite*, &c. & Evangelium S. Johannis. Quamvis autem in hujusmodi Sabbathis, in quibus Officium, & Missa discordant, color paramentorum Sacerdotialium debeat esse conformis Missæ Votivæ de S. Maria, nempe albus; color tamen Altaris, nempe antependii correspondentis Officio, saltem dum recitantur Horæ Canonicae, atque adeo debet esse violaceus: sed dum cantatur Missa, inhaerendo nostro Gavanto Tl. 18. prima partis in fine, & præxi omnium Basilicarum Urbis, color debet esse albus. Ex supradictis colligitur etiam, quinam color adhibe-